



Nuuk, 02. Marts 2017

UKA 2017/ 67

Inatsisartut Suleriaasianni § 33 imm. 1 naapertorlugu, aalajangiiffigisassatut siunnersuut imaattoq matumuuna saqqummiuppara.

**Inatsisartut aalajangiiffigisassaattut siunnersuut Naalakkersuisut peqquneqassasut, aalisarnerup iluani tunitsivinni tunisat tamaasa oqimaassutsinut akigitat ingerlaavartumik saqqummiuneqartalernissaat anguniarlugu internikkut portalimut pilersitsinissamik nalunaarusiamik 2018 ingerlarnernani agguaassissasut. Nalunaarusiami nalilersuinerit, suliassat pilersitsinissamut tunngasut, naleqqussaajuarnissamullu aningaasartuutissat ilanngunneqassapput, portali qanoq aaqqissuunneqarsinnaanersoq – kiisalu inuussutissarsiummut tunngatillugu aningaasarsiornermut unammilleqatigiinnermullu qanoq kinguneqarsinnaanera ilaatinneqassallutik.**

(Inatsisartunut ilaasortaq, Henrik Fleischer, Partii Naleraq)

### **Tunngavilersuutit:**

Nunatsinni avammut niuernitsinni aalisarneq inuussutissarsiutit pingaarnersaraat. Qangaa-niilli kultureraarput piniartuuneq aalisartuunerlu, siunissamilu attanneqaannarnissaanik anguniagaqarneq aporfilersortariaqanngilarput.

Avammut aalisakkanik niueruteqarnitsinni nunanut sanilitsinnut sanilliulluta aalisartortagut tunitsivinnut tunisinerminni akiluttortitaanerat maluginiakkatta ilagaat.

Aalisakkanik avammut niueruteqarnitsinni aalisakkat mio.-nilikkaanik kisitsisitallit nunanut sanilitsinnut sanilliulluta appasinnerusumik nalilerlugit tunisarpagut. Assigiinngitsorpas-suarnik tamanna toqqammavilersorneqarluni saqqummiunniarneqarsinnaasoq qularutiginni-larput.

Toqqammaviit suusinnaaneri eqqarsaatersuuteqarfigivallaanngikkaluarlugit, aaqqissuussinerit suut pilersikkutsigit unammillerneq aqutigalugu aalisakkanik tunitsivinni akinik qaffaasin-naanerput Partii Naleqqamit angorusutatta ilagaat.



## partii naleraq

Taamatut eqqarsarnitsinni periarfissat ilagaat aalisakkanik tunitsivinnut tunisinerni ataa-siakkaani tamani, tunisat kiilumut qanoq akilerlugit tunisinerup paasissutissartaasa kikkunnit tamanit ammasumik ingerlaannartumillu paasineqarsinnaasunngornissaata aqputissiuunne-qarnera.

Ullumikkut tunitsivinnut tunisinermi nalinginnaasumik akigititap saniatigut pisisup tunisi-sullu iluminni kiilumut aki isumaqatigiissutigisimasaat kikkunnilluunniit imaaliallaannarlugu paasineqarsinnaanngilaq, tamanna isertorniarnertut periarfissanillu matoorinertut isigineqartariaqarpoq.

Akerlianilli nittartagakoorulugu minutsialuit iluini tunisinermut kiilumut tunitsivimmi sorlermi qaqugukkut akigititaq kikkunnit tamanit takuneqarsinnaasunngorlugu pineqaraluar-pat, tunitsivinnut tunioraasut tunitsivinnut toqqaannartumik oqarsinnaanngussagaluarput aalisakkat taakkoqqissaat kiilumut 25øremik akisunerusumik tunivai, taamaattumik tunisisup allap soqutigisarissavaa tunisami akiata aaqiivigineqarnisaat taamatullu nalaataqartarnerup ajornartorsiut ammasumik aaqiiviginiarneqartalissasoq kialuunniit miserratigisinnaanngilaa.

Aalisakkanik tunitsivinnut tunisinerni kiilumut qanoq akilerneqarneri unammissutaasoq akigititallu naleqqussarneqartartut takusarparput. Taamanna pillugu siunnersuutigaara, Naalakkersuisut peqquneqasasut Kalaallit nunaanni aalisarnerup iluani tunitsivinni tunisinerit tamarmik internikkut portalimut oqimaassutsinut akigititat paasiuminartumik ingerlaavartumillu nalunaarsorneqarnissaat aqputissiuussagaat. Imatut paasillugu, aalisartut qaqugukkulluunniit takusinnaassagaat, kina aalisakkanik akinik pitsaanerpaamik akilersuinersoq.

Tamatumunnga tunngatillugu maluginiarpara, internetportalimik pilersitsiniarneq akisuujusoq, kiisalu ingerlanneqarnera aamma aningaasartuuteqarfiussasoq. Isumaqarpunga suliffeqarfiit pillugit paasissutissanik isertuussassanik imaqassanngitsoq, taamaaliornerummi kingunerissavaa ingerlatsinerup innarlerneqarsinnaanera. Taamaattumik pingaarutilittut isigaara siullerpaatut misissorneqassasoq internetportalip qanoq aaqqissuunneqarsinaanera, kiisalu inuussutissarsiummut tunngatillgu aningaasarsiornermut unammilleqitigiinnermullu qanoq sunniuteqarsinnaanera ilanngunneqassasoq.

Taamatuttaaq pingaaruteqarpoq suliarinninnerup imminut illersorsinnaanissaata isumanaarnissaa. Kisiannili maluginiarpara Norgemi internetikkut aaqqissuussaamik taamatut siunertalimmik



## partii naleraq

atuuttoqartoq, taannalu taamaattumik pilersitsiniarnermi nalunaarusiornermi isumassarsiniarfittut atorneqarsinnaavoq: <http://www.rafisklaget.no/portal/page/portal/NR>

Tassami nuna manna uagut pigaarput siulitta tunniussaas, taamaamat sanarfissavarput inuiaqatigiinnut Kalaallinut naapertuuttumik ingerlaaseqartuaqqullugu.

### **Allaffissornikkut aningaasatigullu pisortanut kingunerisinnaasai:**

Nalunaarusiornissamat tunngatillugu Namminersorlutik Oqartussani allaffissornikkut aningaasartuutissanik annertunerusumik kinguneqassanngilaq, naak nalunaarusionerup suliarinerani Naalakkersuisoqarfiit assigiinngitsut suleqataassasut, taakkunungalu ilanngullugu Digitalimik aqutsisoqarfik aalisarnermullu suliallit ilanngullugit peqataatinneqassasut ilimagineqassaaq. Nalunaarusiap qanoq annertutigisumik aningaasartuutaanisaanut apequtaasaaq Naalakkersuisut aaliangerniarnerisut avataaniit siunnersortinik atuinissaminnik. Siornatigut sulianut taamatut ilusilinnut tunngavigitinneqarsimasut qissimigaarlugit allaffissornikkut aningaasartuutit missingersorneqarsinnaaput, tassalu (AC-mik) sulisumut ataatsimut ukiup sisamararterutaanik imaluunniit affaanik naleqassasoq (125.000 – 250.000 kruunit) naatsorsuutigineqarsinnaalluni.

Tamatumunnga atatillugu erseqilluinnarpoq nalunaarusiaq innersuussissappat internetportalimik pilersitsisoqassasoq, taava Namminersorluni Oqartussanut aningaasartuutissanik pilersitsinermik kinguneqassaaq. Taamaatoqartillugu inuussutissarsiummik ingerlataqartut portalip ingerlanneqarneranut naleqqussarneranullu suleqataanissaanut peqataatinneqarsinnaassapput. Nalunaarusiaq internet portalimik pilersitsinermi allaffissornikkut aningaasartuutissaq qanoq annertutiginissaannik tikkuussissaaq.

### **Allaffissornikkut aningaasatigullu namminersortunut kingunerisinnaasai:**

Nalunaarusiornissamat tunngatillugu Namminersorlutik inuussutissarsiuqartunut aningaasartuutissanik annertunerusumik kinguneqassanngilaq. Aalisartut aningaasaqarnerannut tunngatillugu aningaasarsinerulerneq kingunerissavaa kiisalu namminersortutut ingerlatsisut tunisassiorneranni aningaasartuutit annertunerulernissaat, aningaasarsiornerannullu ajornerulersitsisinerneq kinguneqarsinnaalluni.



partii naleraq

Partii Naleqqami isumaqarpugut aalisarnermi unammilleqatigiinneq taamaalilluni imminut akilersinnaanerulerlunilu assigiissaarnerulissasoq.

**Allaffissornikkut aningaasatigullu innuttaasunut kingunerisinnaasai:**

Soqanngilaq